

**ACTA DA MESA DE CONTRATACIÓN DO DATA 7 DE SETEMBRO DE 2017**

Na Sala de reunións do Servizo de Contratación da Casa do Concello de Vigo, ás 11:05 horas do día 7 de setembro de 2017, reúnese a Mesa de Contratación do Concello de Vigo convocada polo presidente o 5 de setembro, para tratar os asuntos da orde do día que figuran na convocatoria.

Asisten á reunión da Mesa de Contratación:

- Presidente:** D<sup>a</sup>. María Jesús Lago Rey
- Vocais:** D<sup>a</sup>. Susana García Álvarez  
D. Alberto Escariz Couso  
D. José Riesgo Boluda  
D. Álvaro Crespo Casal (asiste aos puntos 2a e 3a)  
D. José Ángel Otero Lamas (asiste aos puntos 6a, 8a, 9a e 10a)  
D. Rubén Peña Barceló (asiste ao punto 11a)
- Secretaria:** D<sup>a</sup>. Ángela Fernández López

Aberta a sesión pola Sra. presidenta procédese a tratar os puntos incluídos na orde do día:

**1.- Aprobación de actas****a) Acta da sesión do 31 de agosto de 2017**

Apróbbase a acta da sesión do 31 de agosto de 2017 cos votos de D<sup>a</sup>. María Jesús Lago Rey, D<sup>a</sup>. Susana García Álvarez e D<sup>a</sup>. Catalina Alfayate Rodríguez.

**b) Acta da sesión do 4 de setembro de 2017**

Apróbbase a acta da sesión do 4 de setembro de 2017 cos votos de D<sup>a</sup>. Susana García Álvarez, D. Alberto Escariz Couso e D. José Riesgo Boluda.

**2.- Apertura administrativa****a) Procedemento aberto para a contratación dos servizos para a instalación de elementos vexetais e non vexetais para a decoración do Nadal (4.526-106)**

A secretaria le o listado de licitadores presentados a este procedemento segundo consta no certificado expedido polo Rexistro Xeral e pregunta aos membros asistentes se teñen algún conflito de intereses con algún/s dos licitadores. Ningún dos asistentes manifesta ter conflito de intereses cos licitadores.

A continuación ábrese o sobre A "Documentación persoal". Tras a súa cualificación, a Mesa, por unanimidade dos membros asistentes a esta sesión, acorda:

- a) Admitir neste procedemento a LA FIESTA ESCÉNICA, S.L. por ter presentado correctamente a declaración responsable incluída como Anexo II.



Copia do documento - Concello de Vigo	Data impresión: 02/06/2024 01:05	Páxina 1 de 7
ACTAS PERFIL CONTRATANTE	CSV: A9A444-8D59E7-5F4BC5-YRCN1F-Y6R4PY-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

- b) Outorgar un prazo de tres días hábiles a ENTERTAINMENT AND LEISURE TECHNOLOGY, S.L. para que poida emendar a documentación presentada segundo o esixido polo prego de cláusulas administrativas particulares (PCAP) que rexe esta contratación. Concretamente:
- Deberá declarar que posúe a solvencia técnica esixida (teranse en conta os servizos ou traballos, de igual ou similar natureza que os que constitúen ao obxecto do contrato, realizados nalgún -só un- dos últimos 5 anos e por importe, como mínimo do prezo do contrato -135.000 euros-, ao tratarse dun contrato de duración inferior a un ano)
  - Deberá achegar o compromiso de adscribir á execución do contrato os medios esixidos no apartado 6 do Anexo I -FEC-.

### 3.- Apertura da documentación técnica

#### a) Procedemento aberto para a contratación dos servizos para a instalación de elementos vexetais e non vexetais para a decoración do Nadal (4.526-106)

Non se trata este punto porque a Mesa acordou no punto anterior conceder un prazo para a emenda da documentación persoal a ENTERTAINMENT AND LEISURE TECHNOLOGY, S.L.

### 6.- Dar conta da existencia de ofertas con valores anormais ou desproporcionados

#### a) Procedemento aberto para a contratación das obras de substitución de firmes de vías en contornos patrimoniais nas diferentes parroquias do Concello de Vigo (4.653-440)

Entrégase o informe asinado polo xefe do Servizo Administrativo e Control Orzamentario, o xefe da Área de Investimentos e o xefe do Servizo de Vías e Obras e Infraestruturas o 4 e 5 de setembro de 2017, sobre as ofertas que conteñen baixas con valores anormais ou desproporcionados.

Á vista deste informe, a Mesa de Contratación, acorda iniciar o procedemento previsto no artigo 152 do TRLCSP cos licitadores que se relacionan a continuación por conter as súas ofertas valores anormais ou desproporcionados, concedéndolles un prazo de tres días para xustificar as súas ofertas:

- Lote nº 2:
  1. NEXIA INFRAESTRUCTURAS, S.L.U.
  2. FEVISA VÍAS Y OBRAS, S.L.
- Lote nº 3:
  1. NEXIA INFRAESTRUCTURAS, S.L.U.
  2. HORDESCON, S.L.

\* No lote nº 1 non hai ningunha oferta con valores anormais ou desproporcionados



Copia do documento - Concello de Vigo	Data impresión: 02/06/2024 01:05	Páxina 2 de 7
ACTAS PERFIL CONTRATANTE	CSV: A9A444-8D59E7-5F4BC5-YRCN1F-Y6R4PY-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

**8.- Entrega dos informes de valoración dos criterios de adxudicación nos procedementos abertos, negociados e restrinxidos**

**a) Procedemento aberto para a contratación das obras de substitución de firmes de vías en contornos patrimoniais nas diferentes parroquias do Concello de Vigo (4.653-440) (LOTE 1)**

Entrégase o informe asinado polo xefe do Servizo Administrativo e Control Orzamentario, o xefe da Área de Investimentos e o xefe do Servizo de Vías e Obras e Infraestruturas o 4 e 5 de setembro de 2017 de valoración do sobre C *“proposición avaliable mediante fórmula”* coa proposta de clasificación correspondente ao lote nº 1 *“Substitución de firmes de vías en contornos patrimoniais. Vigo Centro”*.

**9.- Estudo e, no seu caso, aceptación dos informes de valoración dos criterios de adxudicación nos procedementos abertos, negociados e restrinxidos**

**a) Procedemento aberto para a contratación das obras de substitución de firmes de vías en contornos patrimoniais nas diferentes parroquias do Concello de Vigo (4.653-440) (LOTE 1)**

A Mesa acepta, por unanimidade, o informe asinado polo xefe do Servizo Administrativo e Control Orzamentario, o xefe da Área de Investimentos e o xefe do Servizo de Vías e Obras e Infraestruturas o 4 e 5 de setembro de 2017 de valoración do sobre C *“proposición avaliable mediante fórmula”* coa proposta de clasificación correspondente ao lote nº 1 *“Substitución de firmes de vías en contornos patrimoniais. Vigo Centro”*.

**10.- Propostas de clasificación**

**a) Procedemento aberto para a contratación das obras de substitución de firmes de vías en contornos patrimoniais nas diferentes parroquias do Concello de Vigo (4.653-440) (LOTE 1)**

Á vista das actuacións desta Mesa de Contratación e dos informes de valoración das proposicións presentadas, por unanimidade dos asistentes, propónse á Xunta de Goberno local, na súa calidade de órgano de contratación (disposición adicional 2ª TRLCSP), a adopción do seguinte acordo:

“Primeiro.- Dar conta do acordo adoptado pola Mesa de Contratación do Concello de Vigo, na sesión do 4 de setembro de 2017 polo que non se admite neste procedemento ao licitador DESMACO, S.L., por ter presentado a súa proposición fóra de prazo (artigo 80 Real decreto 1098/2011, do 12 de outubro, polo que se aproba o Texto refundido da Lei de contratos das Administracións Públicas).

Segundo.- Clasificar, de acordo cos criterios de adxudicación sinalados no prego, as proposicións admitidas no lote 1 *“Substitución de firmes de vías en contornos patrimoniais. Vigo Centro”* deste procedemento aberto para a contratación das obras de substitución de firmes de vías en contornos patrimoniais nas diferentes parroquias do Concello de Vigo (4.653-440) na seguinte orde descendente:



Copia do documento - Concello de Vigo	Data impresión: 02/06/2024 01:05	Páxina 3 de 7
ACTAS PERFIL CONTRATANTE	CSV: A9A444-8D59E7-5F4BC5-YRCN1F-Y6R4PY-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		

	Licitadores	% Baixa	Prezo ofertado
1	NEXIA INFRAESTRUCTURAS, S.L.U.	41,11	179.170,67 €
2	FEVISA VIAS Y OBRAS, S.L.	40,87	179.900,86 €
3	ASFALGAL TECNICAS VIARIAS, S.L.	40,72	180.357,23 €
4	HORDESCON, S.L.	40,39	181.361,25 €
5	ELECNR INFRAESTRUCTURAS	39,61	183.734,36 €
6	MOVIMIENTO DE ÁRIDOS Y CONSTRUCCIONES DE AROSA, S.L.	37,65	189.697,51 €
7	ELSAMEX, S.A.	37,14	191.249,25 €
8	NEMESIO ORDÓÑEZ, S.A.	35,58	195.995,50 €
9	CONSTRUCCIONES, OBRAS E VIAIS, S.A.	33,70	201.715,32 €
10	CONSTRUCCIONES TABOADA Y RAMOS, S.L.	32,01	206.857,09 €
11	MISTURAS, S.A.	30,31	212.028,30 €
12	CONSTRUCCIONES FECHI, S.L.U.	30,10	212.668,20 €
13	CONSTRUCCIONES VALE, S.L.	30,00	212.972,44 €
14	NAROM, S.L.	27,41	220.852,42 €
15	OBRAS, CAMINOS Y ASFALTOS, S.A.	26,61	223.286,39 €
16	OBRAS PAVIMENTOS E INSTALACIONES INDUSTRIALES, S.L.	25,51	226.633,10 €

Terceiro.- Requerir ao licitador clasificado en primeiro lugar no lote 1, NEXIA INFRAESTRUCTURAS, S.L.U., para que presente, no prazo de dez días hábiles, a contar desde o seguinte a aquel no que reciba o requirimento, a seguinte documentación (artigo 151.2 TRLCSP):

1. Declaración responsable de non estar incurso en prohibición de contratar.
2. Certificacións de estar ao corrente das súas obrigas tributarias co Estado, coa Xunta de Galicia e coa Seguridade Social.
3. A documentación esixida nas cláusulas 8 e 21 do prego de cláusulas administrativas particulares (PCAP).
4. Resgardo da garantía definitiva esixible de acordo co disposto na cláusula 22 do prego de cláusulas administrativas particulares.

Cuarto.- Requerir ao citado licitador o aboamento de 429,92 euros en concepto de custos dos anuncios de licitación”.

## 11.- Propostas de adjudicación

### a) Procedemento aberto para a contratación das obras de reforma da estrutura e pavimento do pavillón do Monte da Mina (Castrelos) (15.922-333)

#### LEXISLACIÓN APLICABLE

- Real decreto legislativo 3/2011, de 14 de novembro, polo que se aproba o texto refundido da Lei de contratos do sector público (TRLCSP)
- Real decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de contratos do sector público (RLCSP)



Copia do documento - Concello de Vigo	Data impresión: 02/06/2024 01:05	Páxina 4 de 7
ACTAS PERFIL CONTRATANTE	CSV: A9A444-8D59E7-5F4BC5-YRCN1F-Y6R4PY-F1	

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

- Real decreto 1098/2001, de 12 de outubro, polo que se aproba o regulamento xeral da Lei de contratos das Administracións Públicas (RLCAP), no que non se opoña ao Real decreto lexislativo 3/2011
- Prego de cláusulas administrativas particulares que rexe o procedemento aberto para a contratación das obras de reforma da estrutura e pavimento do pavillón do Monte da Mina (Castrelos) (15.922-333)

## ANTECEDENTES

**Primeiro.-** A Xunta de Goberno local na sesión que tivo lugar o 23 de agosto de 2017, adoptou o seguinte acordo:

*“Primeiro.- Excluir deste procedemento aos seguintes licitadores, por conter as súas ofertas valores anormais ou desproporcionados, sen que se tivesen xustificadas, ben porque non presentaron xustificación ningunha en prazo ou porque non se cumpren os requisitos para consideralas xustificadas consonte o informe asinado polo arquitecto municipal o 11 de agosto de 2017:*

1. DEGALLE CONSTRUCCIONES, S.A.
2. ACTIVIDADES DE CONSTRUCCIÓN, EDIFICACIÓN Y VIALES, S.L. (ACEVI)

*Segundo.- Clasificar, de acordo cos criterios de adxudicación sinalados no prego, as proposicións admitidas neste procedemento aberto para a contratación das obras de reforma da estrutura e pavimento do pavillón do Monte da Mina (Castrelos) (15.922-333) na seguinte orde descendente:*

	Licitadores	Puntuación
1	PLANIFICACIÓN, DESARROLLO Y GESTIÓN DE CONSTRUCCIONES, S.A. (GPD CONSTRUCCIONES, S.A.)	96,55
2	EXCAVACIONES Y CONSTRUCCIONES LAUREANO COVELO, S.A.	95,49
3	PRACE, SERVICIOS Y OBRAS, S.A.	87,11
4	GALITEC DESARROLLOS TECNOLÓGICOS, S.L.	82,48
5	EXCAVACIONES ROALTRANS, S.L.	68,09
6	ORECO, S.A.	61,09
7	CONSTRUCCIONES ABAL, S.A.	46,58
8	CONSTRUCCIÓN OBRAS E VIAIS, S.A.	38,39

*Terceiro.- Requirir ao licitador clasificado en primeiro lugar, PLANIFICACIÓN, DESARROLLO Y GESTIÓN DE CONSTRUCCIONES, S.A. (GPD CONSTRUCCIONES, S.A.), para que presente,*



no prazo de dez días hábiles, a contar desde o seguinte a aquel no que reciba o requirimento, a seguinte documentación (artigo 151.2 TRLCSP):

1. Declaración responsable de non estar incurso en prohibición de contratar.
2. Certificacións de estar ao corrente das súas obrigas tributarias co Estado, coa Xunta de Galicia e coa Seguridade Social.
3. A documentación esixida nas cláusulas 8 e 21 do prego de cláusulas administrativas particulares (PCAP).
4. Resgardo da garantía definitiva esixible de acordo co disposto na cláusula 22 do prego de cláusulas administrativas particulares.

Cuarto.- *Requirir ao citado licitador o aboamento de 1.076,34 euros en concepto de custos dos anuncios de licitación”.*

**Segundo.-** Este acordo foi notificado ao licitador clasificado en primeiro lugar, PLANIFICACIÓN, DESARROLLO Y GESTIÓN DE CONSTRUCCIONES, S.A. (GPD CONSTRUCCIONES, S.A.), o día 25 de agosto de 2017, que presenta a documentación requirida o 4 de setembro de 2017, dentro do prazo concedido.

**Terceiro.-** A Mesa de Contratación na sesión do 7 de setembro de 2017 revisou a documentación presentada, sendo esta correcta, polo que acordou, por unanimidade dos membros presentes, propoñer ao órgano de contratación a adxudicación deste procedemento.

## **FUNDAMENTOS XURÍDICOS**

**Primeiro.-** A nosa lexislación contractual impón ao órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase aos licitadores e, simultaneamente, publicarase no perfil de contratante (artigo 151.4 TRLCSP).

Recibida tanto a documentación presentada polo licitador clasificado en primeiro lugar PLANIFICACIÓN, DESARROLLO Y GESTIÓN DE CONSTRUCCIONES, S.A. (GPD CONSTRUCCIONES, S.A.), como a solicitada de oficio pola Administración municipal e, comprobado que esta é correcta, procede adxudicar este contrato.

**Segundo.-** A competencia para formular a proposta de adxudicación ao órgano de contratación correspóndelle á Mesa de Contratación. A proposta realizarase a favor do licitador que presente a proposición que contivese a oferta economicamente máis vantaxosa de conformidade co prego de cláusulas administrativas particulares que rexe a licitación (artigo 22.1.g RLCSP).

A primeira oferta economicamente máis vantaxosa para a administración contratante é a formulada por PLANIFICACIÓN, DESARROLLO Y GESTIÓN DE CONSTRUCCIONES, S.A. (GPD CONSTRUCCIONES, S.A.), de acordo cos informes de valoración das



Copia do documento - Concello de Vigo	Data impresión: 02/06/2024 01:05	Páxina 6 de 7
ACTAS PERFIL CONTRATANTE	CSV: A9A444-8D59E7-5F4BC5-YRCN1F-Y6R4PY-F1	

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

proposicións avaliábeis mediante xuízo de valor e das proposicións avaliábeis mediante fórmula, de datas 28 de xuño e 21 de agosto de 2017, respectivamente.

**Terceiro.-** A competencia para a resolución deste expediente correspóndelle á Xunta de Goberno local (apartado 3 da disposición adicional segunda do TRLCSP), na súa calidade de órgano de contratación.

En base ao que antecede, propónse á Xunta de Goberno local como órgano de contratación, en uso das facultades que lle confire a lexislación vixente, a adopción do seguinte acordo:

*“Adxudicar a PLANIFICACIÓN, DESARROLLO Y GESTIÓN DE CONSTRUCCIONES, S.A. (GPD CONSTRUCCIONES, S.A.) o procedemento aberto para a contratación das obras de reforma da estrutura e pavimento do pavillón do Monte da Mina (Castrelos) (15.922-333) coas seguintes condicións:*

- a) O prezo total do contrato é de 208.950,00 euros, sendo a cota correspondente ao IVE de 36.264,05 euros.*
- b) Propón un incremento do prazo de garantía de 8 semestres (prazo total 10 semestres).*

*Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada”.*

Non tendo máis asuntos que tratar, a presidenta declara finalizada a sesión ás 11:35 horas. De todo o tratado eu secretaria dou fe.

A presidenta da Mesa de Contratación  
(sinatura dixital)

A secretaria da Mesa de Contratación  
(sinatura dixital)



Copia do documento - Concello de Vigo	Data impresión: 02/06/2024 01:05	Páxina 7 de 7
ACTAS PERFIL CONTRATANTE	CSV: A9A444-8D59E7-5F4BC5-YRCN1F-Y6R4PY-F1	
Pode validar e/ou obter copia electrónica do documento utilizando o código QR da esquerda ou o código de verificación na dirección <a href="http://www.vigo.org/csv">http://www.vigo.org/csv</a>		